

ՎԱՍՊՈՒՐԱԿԱՆԻ 910—930-ԱԿԱՆ ԹԹ. ՊԱՏՄՈՒԹՅԱՆ ՇՈՒՐՋԸ

Պատմ. գիտ. բեկնածու Վ. Մ. ՎԱՐԳԱՆՅԱՆ

X դարի սկզբին, Հայաստանում տիրող քաղաքական բարդ իրավիճակի պայմաններում, Վասպուրականում ստեղծվեց առանձին թագավորություն՝ Գա մասնատեց, թուլացրեց Հայաստանը:

Վասպուրականի թագավոր Գաղիկ Արծրունին հույս ուներ Ատրպատականի ամիրա Յուսուփի օգնությամբ տիրանալ Հայոց դահին: Դրա համար անհրաժեշտ էր նվաճել Այրարատը (առաջին հերթին, իհարկե, Նախճավանը), որով Գաղիկն իր ձեռքը կզցեր նաև Հայաստանով անցնող միջազգային առևտրական մայրուղու հյուսիսային հատվածը: Պատահական չէ, որ երբ Յուսուփն արշավեց Նախճավան, այստեղ Վասպուրականի զորազնդերը միացան նրա բանակին և արշավեցին Սյունիք¹ (որի տերերը, ինչպես հայտնի է, նույնպես կամենում էին տիրել Նախճավանին): Նույն նպատակն էր հետապնդում նաև Վաղարշակերտի պաշարումը: Սակայն չնայած առերևույթ թվացող համաձայնության, Յուսուփի և Գաղիկ Արծրունու միջև կային հակասություններ, որոնք ի վերջո հանգեցրին խզման ու թշնամանքի: Թեև Գաղիկը ամեն կերպ ջանում էր տիրանալ Նախճավանին, սակայն Յուսուփը ոչ մի կերպ չընդառաջեց նրան և քաղաքը պահեց իր հսկողության տակ: Նույն ժամանակ Յուսուփին հարում էր նաև Աշոտ Շապուհյանը, որը լինելով Բագրատունյաց թագավորող տոհմաճյուղի անդամներից, նույնպես հավակնում էր Հայոց դահին: Բնական էր սպասել, որ Յուսուփը կարող էր Հայոց դահի թեկնածություն համար նախապատվությունը տալ Աշոտ Շապուհյանին: Ըստ հերևույթին հաշվի առնելով այդ, Գաղիկ Արծրունին ծածուկ կապերի մեջ մտավ Սմբատ I-ի հետ, խոստանալով համադորժակեցել ընդդեմ Յուսուփի²: Դեռ ավելին, Գաղիկը հաշտվեց նաև Սմբատ Սյունու հետ, մոռացության տալով Նախճավանի շուրջը նրա հարուցած հրեմմնի վեճերը: Սակայն Սմբատ I Բագրատունու զոհվելուց հետո Վասպուրականի վիճակը ծանրացավ: Ատրպատականի զորազնդերը սկսեցին հարձակումների գործել Վասպուրականի սահմանամերձ շրջանների վրա: Հատկապես ծանր կացություն ստեղծվեց 914 թ. դարնանը, երբ Յուսուփը ձեռնարկեց նոր արշավանք դեպի Վասպուրական: Գաղիկ Արծրունին Վասպուրականի բնակչությունը և իր զանձերը փոխադրում է լեռները, իսկ ինքը և զորքը և Սյունյաց իշխան Սմբատի հետ (որն այդ ժամանակ Վասպուրականում էր) մեկնում է «Միջերկրեայք»³, այսինքն Փոքր Ասիա⁴, տվյալ դեպքում՝ բյուզանդական տիրույթները: Ըստ հերևույթին,

¹ Ըստ Հովհաննես Դրասխանակերտցու, սա կատարվել է հայոց 358 (909) թ. Մեծ զատկին, իմա՝ գարնանը (Հովհաննես Դրասխանակերտցի, Պատմություն Հայոց, Քիֆիս, 1912, էջ 213—214):

² Նույն տեղում, էջ 233:

³ Նույն տեղում, էջ 270:

⁴ Ս. Իրեմյան, Հայաստանը ըստ «Աշխարհացոյց»-ի, Երևան, 1963, էջ 13, 100:

Արծրունյաց և Սյունյաց իշխանները հույս ունեին օգնություն ստանալ Բյուզանդիայից ընդդեմ Ատրպատականի: Նրանց այդ քայլը թիրեա համաձայնեցված էր Աշոտ II Երկաթի հետ, որը ես նույն տարում (ըստ Ն. Ադոնցի՝ 914 թ. սկստեմբերին⁵) մեկնեց Բյուզանդիա՝ օգնություն ստանալու ականջությամբ: Հայոց թագավորների այս քայլերը տվյալ պահին համապատասխանում էին Բյուզանդիայի արևելյան քաղաքականությանը, որի նպատակն էր խաղաղ, անարյուն միջոցներով տիրել Հայաստանին:

Բյուզանդիայում Գաղիկ Արծրունին երկար չի մնացել և վերադարձել է Սմբատ Սյունու հետ, հավանաբար 915 թ.: Ստեփանոս Օրբելյանի հավաստմամբ, Բյուզանդիայից Աշոտ II-ի վերադառնալուց քիչ հետո, «եկն ի Վասպուրական է Մեծ իշխանն Սիւնի Սմբատ առ արքայորդին Աշոտ թագաւոր»⁶: Աշոտ II Երկաթը Բյուզանդիայից վերադարձել է 915 թ.⁷: Հետևաբար Սմբատ Սյունին նրա մոտ եղել է հենց նույն թվականին:

Բյուզանդիան Վասպուրականին զինական օգնություն ցույց չտվեց: Դրանից զոտեպնդված՝ ըստ երևույթին նույն տարում, Յուսուփ ամիրան վերստին արշավանք ձեռնարկեց դեպի Վասպուրական, որի դրությունը հատկապես ծանրացավ այն բանից հետո, երբ Յուսուփը կարողացավ չեղոքացնել Աշոտ Երկաթին՝ թագ տալով նրան⁸:

Յուսուփը Վասպուրականի դեմ ուժեր նետեց Հերից, Զարեանդից, Մարանդից և Նախճավանից, որոնց հետ Վասպուրականի զորքը բազմիցս ընդհարումներ ունեցավ: Այս երկրամասերը նախկինում մտնում էին Վասպուրականի իշխանության մեջ, ուստի Գաղիկ Արծրունին հավակնություններ ուներ նրանց նկատմամբ և, հավանաբար, Յուսուփն օգտագործեց նաև այդ հանգամանքը՝ հիշյալ շրջանների ամիրաններին հանելով Վասպուրականի դեմ: Յուսուփի մեծաթիվ զորքին հաջողվեց թափանցել Վասպուրականի կենտրոն՝ Մարդաստան, Տոսս և այլ դավառներ, որոնց բնակչությունը վերստին ստիպված եղավ հեռանալ Սոկաց և Կորդվաց անառիկ լեռները: Գաղիկ Արծրունուն օգնում էին Մոկքի Գրիգոր իշխանն իր եղբոր՝ Գուրգենի հետ և Անձեաքաց իշխան Ատոմը: Հավանաբար այս դաշնակցությունն ստիպեց Յուսուփին հրաժարվել Մոկաց և Կորդվաց լեռնաստանները ներխուժելու մտադրությունից և ձեռնունայն վերադառնալ Ատրպատական⁹:

Ըստ Ասողիկի, Յուսուփի ասպատակումները Հայաստանում տևել են «ե ամ»: Զեոպրերն ունեն «է ամ» տարընթերցվածը¹⁰: Սա ավելի հավաստի է, քանի որ հաշվելով 908-ից մինչև 915 թ., երբ Յուսուփը հեռացավ Հայաստանից, ստանում ենք իրոք է (7) տարի:

⁵ N. Adontz, Ašot Erkat ou de fer roi d'Arménie de 913. a 929, „Etudes armeno-byzantines“, Lisbonne, 1965, էջ 276. Ռ. Գրուսսեն այդ անցքը դնում է 921 թ. (R. Grousset, Histoire de l'Arménie des origines a 1071, Paris, 1947, էջ 415), որը սակայն չի ապացուցվում:

⁶ Ստեփաննոս Օրբելյան, Պատմություն նահանգին Սիսական, Թիֆլիս, 1910, էջ 193:

⁷ N. Adontz, նշվ. աշխ., էջ 276:

⁸ Հովհաննես Գրասխանակերտցի, էջ 292, 300:

⁹ նույն տեղում, էջ 289—292:

¹⁰ Ստեփաննոս Տարեղցի (Ասողիկ), Պատմություն տիեզերական, Ս. Պետերբուրգ, 1885, III, է, էջ 169:

Հայաստանից Յուսուփի հեռացումը բնավ չէր բացառում Վասպուրականի հանդեպ նրա նոր ունեցությունների հնարավորությունը։ Գրանք կանխելու նպատակով Գաղիկ Արծրունին ուղղակի կապ հաստատեց Մուկիֆայի խալիֆայի հետ, որը նույն (915) թվականին թագ ուղարկեց նրան՝ արտոնելով թագավորելու Հայաստանում¹¹։ Գաղիկի հարելը խալիֆայությանը դարձյալ վկայում է Բյուզանդիայից սպասվող օգնության անհնարին լինելու մասին (կայսրությունն այդ ժամանակ ծանր վիճակում էր¹²)։ Խալիֆայի կողմը Գաղիկ Արծրունու հակվելուն նպաստեց այն պարագան, որ Յուսուփ ամիրան նույն ժամանակ ապստամբել էր խալիֆայի դեմ։ Անշուշտ վերջինս, ի դեմս Գաղիկի, կամենում էր հակակշիռ ստեղծել բնդդեմ Յուսուփի։ Ուշագրավ է, որ Ասողիկը հենց նույն ժամանակ (914-ի վերջին կամ 915-ի սկզբին) է հիշում Գաղիկ Արծրունու թագադրվելը, քանի որ նրա մահը դնում է 943 թ., միաժամանակ նշելով, որ նա թագավորել է «ամս ի թ» (29 տարի)¹³։ Իհարկե, ձեռք բերված խաղաղությունը կարճատև էր։ 923 թ. բանտից ազատվելով, Յուսուփը վերստին նշանակվեց Ատրպատականի ամիրա¹⁴ և նույն տարում գործով Միջագետքի վրայով ներխուժեց Կորդուբ¹⁵։ Գաղիկ Արծրունին և Անձևացյաց իշխան Ատոմը հարկադրված եղան այս անգամ վասպուրականցիներին գործով ուղեկցել Կոպովիտ, Ծաղկոտն և Անձևացիք գավառների անմատչելի վայրերը։ Յուսուփը կամենում էր ղեկքի ուժով Գաղիկ Արծրունուն հարկադրել, որպեսզի արքունի հարկը մուծի ոչ թե ուղղակի խալիֆային, այլ իրեն։ Սակայն խալիֆան նրան այդպիսի արտոնություն չէր տվել։ Ըստ Իբն ալ Ասիրի, խալիֆան միայն 927 թ. է Յուսուփին արևելքից (այդ թվում և Վասպուրականից) հարկ դրոնձելու իրավունք տվել¹⁶, կամենալով, անշուշտ, նրան օգտագործել բյուզանդական նոր առաջիադացման դեմ (նույն թվականին կայսրության զորքը հայազգի Մլեհ զորապետի ղեխավորությամբ շարժվեց Հայաստան)¹⁷։ Մինչդեռ Թովմա Արծրունու շարունակողը գրում է, որ բանտից ազատվելուց անմիջապես հետո Յուսուփը խալիֆայից իրավունք է ստացել տիրելու ոչ միայն «աշխարհին Պարսից» (իմա՝ Ատրպատականին), այլև «զբոլոր Հայք»¹⁸։ Պատմիչը ի նկատի ունի փաստացին և ոչ թե իրավականը։ Յուսուփը, բանտից ազատվելուց անմիջապես հետո, առանց խալիֆայի գիտություն, Կորդուբի վրայով ներխուժեց Վասպուրականի Անձևացիք գավառ և «դեսպանս առ իշխանն Ատոմ առաքէր՝ տալ նմա զսակ հարկացն արքունի»։ Այնուհետև նա թափանցել է Արծրունիների բուն ոստանը՝ Աղբակ գավառը, որտեղից հաշտության առաջարկով դեսպաններ է ուղարկել Գաղիկ Արծրունու մոտ և չղբալում ամաց զհարկս արքու-

11 Նույն տեղում, էջ 306։ Թովմա Արծրունի, Պատմություն տանն Արծրունեաց, Քիֆիս, 1917, IV, Գ, էջ 468։

12 А. Васильев, Византия и арабы. Политические отношения Византии и арабов за время Македонской династии, СПб., 1902, էջ 198—199։

13 Մաշտոցի անվան Մատենադարանում պահվող որոշ ձեռագրերում նշվում են Գաղիկ Արծրունու թագավորելու տարրեր տարիներ։ Տե՛ս ձեռ. № 5467, էջ 22ա, 2294, էջ 74ա։

14 «Из Тарих-ал-Камилъ Ибн-ал-Аспра», пер. П. Жузе, Баку, 1940, էջ 81։

15 Հովհաննես Գրասխանակերտցի, էջ 327։

16 Ибн-ал-Аспр, էջ 83։

17 Նույն տեղում։

18 Թովմա Արծրունի, IV, Գ, էջ 469։

նականս հայցէր տալ նմա», հիշեցնելով նաև Գաղիկին առաջին անգամ (908 թ.) իր ձեռքով թագադրելու Երկիրը կարոտ էր խաղաղության, ուստի Գաղիկը համաձայնում է՝ մուծելով երեք տարվա արքունի հարկը՝ «արծաթ և ոսկի կարասիս բազումս և ձիս և ջորիս», որից հետո միայն Յուսուփը հեռանում է Վասպուրականից¹⁹:

Այսպիսով, Յուսուփը Վասպուրականի տերերին բռնություններ է հարկադրել արքունի հարկը ուղարկել իրեն: Խալիֆան ի վերջո (927 թ.) ճանաչել է նաև Հայաստանի նկատմամբ նրա իրավունքները: Մտեղծված պայմաններում Յուսուփի հետ խաղաղ հարաբերությունների հաստատումը Արծրունիների համար դառնում է առաջնահերթ, հույժ կարևոր խնդիր: Ճիշտ է 927 թ. Յուսուփը Հայաստանի ոստիկան նշանակեց նրա ամիրային, իսկ ինքը մեկնեց իր նստավայրը՝ Ռեյ, որտեղից ոստիկաններ ուղարկեց նաև Ատրպատական²⁰, սակայն այդ նշանակում էր, որ ոչ միայն Հայոց ոստիկանը, այլև Ատրպատականի ամիրաները գործելու էին նրա հրահանգով: Գաղիկ Արծրունին դիվանագիտական ճկուն միջոցներով կարգավորում է հարաբերությունները Յուսուփի հետ: Վերջինս թագ է ուղարկում՝ Գաղիկին, հաստատելով «ի ձեռս նորայ Հայաստան աշխարհ»²¹, Սա կատարվել է, ըստ երևույթին, 927 թ.: Ինչպես վերը նշվեց, տակավին 923 թ. Յուսուփն ազատվել էր բանտից և նշանակվել Ռեյի, Ղազվինի, Զենջանի ու Ատրպատականի տեր: Ըստ Իբն ալ Ասիրի, Յուսուփը բանտում մնացել էր չորս տարի, իսկ Թովմա Արծրունու շարունակողի հաղորդմամբ՝ ութ տարի²²: Վերջինս, հավանաբար, նկատի ունի Յուսուփի բանտարկվելուց (919) մինչև Հայաստանի ոստիկան դառնալու տարին, որը, ինչպես սուսանք (համաձայն Իբն ալ Ասիրի վկայության), համընկնում է 927-ին: Դա էլ հենց Յուսուփի կողմից Գաղիկ Արծրունուն երկրորդ անգամ թագ ուղարկելու տարին էր: Այդ է պատճառը, որ Հովհաննես Դրասխանակերտցին այս փաստը չի հիշում իր «Պատմության» մեջ, քանի որ, ինչպես հայտնի է, նա իր երկն ավարտել է 923 թ.:

Միաժամանակ հնարավոր է դառնում պարզելու Գաղիկ Արծրունու եղբոր՝ Դուրդենի (որը կրում էր «Հայաստանի մարզպանի» պատվատիտղոսը) մահվան տարեթիվը: Թովմա Արծրունու շարունակողը գրում է, որ Դուրդեն Արծրունին վախճանվել է Յուսուփից Գաղիկի երկրորդ անգամ թագ ստանալու տարում²³, այսինքն 927 թ.: Այդ է պատճառը, որ Հովհաննես Դրասխանակերտցին իր երկում չի հիշում նաև Դուրդենի մահը:

Գաղիկ Արծրունին հավակնում էր Հայոց գահին: Այդ ուղղությամբ նա ձեռնարկեց համապատասխան միջոցառումներ: Դրանցից ամենակարևորը Այրարատին տիրանալու համար կատարված քայլերն էին (Մաղկոտն, Մասյացոտն գավառների, Դվինի գրավումը և այլն): Սակայն առանց Հայոց կաթողիկոսության նկատմամբ իրավասություն ունենալու Գաղիկ Արծրունին չէր կարող համարվել Հայոց թագավոր: Եվ ահա 923 թ. աշնանը Հովհաննես Դրասխանակերտցին մեկնում է Վասպուրական, «առ թաղաւորն Հայոց Գաղիկ, ըստ

19 Հովհաննես Դրասխանակերտցի, ԼՁ 328—330:

20 Նույն տեղում, ԼՁ 330: Թովմա Արծրունի, IV, Գ, ԼՁ 469:

21 Թովմա Արծրունի, IV, Գ, ԼՁ 469:

22 Ибн-а.п.-Асир, ԼՁ 81—82: Թովմա Արծրունի, IV, Գ, ԼՁ 469:

23 Թովմա Արծրունի, IV, Գ, ԼՁ 469:

միշտ հրաւիրման ի կողման նորա»²⁴։ Կաթողիկոսի տեղափոխվելը Վասպուրական ավելի մեծացրեց Արծրունյաց թագավորի հեղինակությունը։ Դրան էլ ավելի նպաստեց Աղթամարի համակառույցի ավարտումը։ Աղթամարի մասին խոսելիս Թովմա Արծրունու շարունակողը Գաղիկին հիշում է որպես «Հայոց մեծ արքա»։ Այն փաստը, որ Գաղիկ Արծրունին շարունակել է իրեն կոչել «Հայոց թագավոր», վկայված է նաև Աղթամարի վանքի ձախակողմյան ավանդատան վրայի արձանագրությամբ, ուր ընթերցվում են «կտակի իմով ձեռամբ Բագկա Հայոց արքայիս» բառերը²⁵։ Սակայն փաստերը վկայում են, որ այս անգամ ևս Գաղիկ Արծրունու թագավորության սահմանները դուրս չեկան Վասպուրականից և հարակից մի քանի գավառներից։ Այսպես, Ստեփանոս Տարոնեցին ուղղակի գրում է, որ Գաղիկ Արծրունին թագավորել է միայն «ի կողմանս Վասպուրականի»²⁶։

Այդուհանդերձ, պետք է ընդունել, որ Հայաստանում Գաղիկ Արծրունու հեղինակությունը բավական մեծ էր։ Հատկանշական է, որ Թովմա Արծրունու շարունակողը հայ Բագրատունի թագավորներից հիշում է միայն Աբասին, բայց առանց «արքա» հորջորջման։ Աբասի գահակալման ժամանակ (929 թ.) արդեն ըստ երևույթին դեռևս 925 թ.) վախճանված էր Հովհաննես Դրասխանակերտցին, ուստի Գաղիկ Արծրունին իրեն է վերապահել Հայոց կաթողիկոս կարգելու իրավունքը²⁷։ Դեռ ավելին, Աշոտ II Երկաթի մահից հետո Գաղիկ Արծրունին Վասպուրական է հրավիրել նրա ևղբորը՝ Աբասին։ Վերջինս ընդունել է հրավերը և մի քանի իշխանների հետ մեկնել Վասպուրական, ուր գումարված իշխանաժողովում Գաղիկը Աբաս Բագրատունուն թագադրել է Հայոց թագավոր²⁸։ Մի կողմից այս փաստը ցույց է տալիս, որ Գաղիկը ճանաչել է Աբասին որպես թագավորի, իսկ մյուս կողմից՝ իրեն իրավունք է վերապահել նրան թագադրելու, շեշտելով Հայաստանում ունեցած իր առաջնությունը։ Սա, անշուշտ, երկուստեք համաձայնության արդյունք էր։

Գաղիկ Արծրունու՝ Հայաստանում ունեցած առաջնությունը վկայված է նաև ուրիշ սկզբնաղբյուրներում։ Կոստանդին Միրանաժինը Բագրատունի առաջին թագավորներին (Աշոտ I, Սմբատ I, Աշոտ II) կոչում է «իշխանաց իշխան»։ Սակայն Աշոտ II-ի մահից (929 թ.) հետո այդ տիտղոսը կրում էր Վասպուրականի Գաղիկ թագավորը, ուստի Միրանաժինը Աբաս Բագրատունուն կոչում է ոչ թե «իշխանաց իշխան», այլ «մագիստրոս», իսկ Գաղիկ Արծրունուն, թեև «Կայսրության կառավարման մասին» երկում անվանում է «իշխան», սակայն «Արարողությաննների մասին» գրքում արդեն՝ «Ասպուրականի կամ Վասպուրականի իշխան, որ այժմ իշխանաց իշխանի պատիվն է ստացել»²⁹։ Տվյալ շրջանում այս տիտղոսը համանշանակ էր հայերեն «շա-

24 Հովհաննես Դրասխանակերտցի, էջ 358 (նշվում է, որ այս ժամանակ ևղբոր հետ Դրասխանակերտցուն ընդունել է նաև Գուրգեն Արծրունին)։

25 Թովմա Արծրունի, IV, է, էջ 478։ Ե. Հալայան, Վասպուրականի նշանավոր վանքերը, «Աղագրական հանդես», XX դիրք, № 2, Թիֆլիս, 1910, էջ 210։

26 Ստեփանոս Տարոնեցի, III, ևՋ, էջ 281։

27 Մ. Օրմանյան, Աղագրատում, Ա, Բնյութ, 1959, էջ 1072։

28 Մ. Չամչյան, Պատմություն Հայոց, Բ, Վենետիկ, 1785, էջ 822։

29 Կոստանդին Միրանաժին (Բյուզանդական աղբյուրներ, Բ), թարգմ. Հ. Մ. Բարթիկյանի, Երևան, 1970, էջ 10, 7, 151։

հանձա՛» պատվանունին, որն իրոք կրում էին առաջին Բագրատունիները և, ըստ երևույթին, նաև Գագիկ Արծրունին: Վարդան Արևելցին «շահանշահ» է կոչում նաև Վասպուրականի Աբուսահլ-Համազասպ թագավորի (958—968) հաջորդ Աշոտ Արծրունուն, իսկ Անանիա Մոկացին, հիշելով Գագիկ Արծրունուն և Աբասին՝ որպես երկու հայ ինքնակալ թագավորների, առաջին տեղում դնում է Գագիկին³⁰: Նա «արքունտներէ արքոնտ» իսկ Աբաս Բագրատունին «Մագիստրոս» են կոչվում նաև Բյուզանդիայի Ռոմանոս Լակապենոս կայսեր (919—944) թղթերից մեկում, որի հետ մեկտեղ կայսրը, ըստ երևույթին, նամակ է ուղարկել նաև Գագիկ Արծրունուն, քանի որ թղթատարն առաջին հերթին ժամանել է նրա մոտ³¹: Թերևս Գագիկին հղված նամակի պատասխանն էր վերջինիս Թուղթը՝ առաքված նույն Ռոմանոս Լակապենոս կայսրին, ուր Գագիկն առաջարկում էր միջպետական հարաբերություններում անտեսել դավանական տարբերությունները և բարեկամական կապեր հաստատել, որի դեպքում Արծրունի թագավորը կարող էր ընդունել կայսեր գերապետական իրավունքները, ճանաչելով դրանց դարավոր գոյությունը³²: Ծ. Տուրնբրիդի կարծիքով Գագիկ Արծրունու հիշյալ Թուղթը նպատակ ուներ ձեռք բերել հայ և բյուզանդական եկեղեցիների դավանական հաշտություն³³, որն իհարկե ճիշտ չէ: Իրականում Գագիկի այս Թուղթը դիվանագիտական լեզուն քայլ էր, որի նպատակն էր Վասպուրականը ապահովել Բյուզանդիայի կողմից նշանակված սպառնալիքից: Այդ Թուղթը հավանաբար ուղարկվել է կայսրին այն ժամանակ, երբ բյուզանդական բանակները, արաբներին նեղելով, հասել էին Եփրատի ավազանը³⁴:

Սակայն Բյուզանդիայի առաջխաղացումը երկար չշարունակվեց: Ատորոյատականի ամիրա Մուֆլիհը (929—937) պարտության մատնեց բյուզանդական զորքին և Գողթն—Նախճավան—Դվին արշավագծով թափանցեց կայսրության տարածքը: Այս մասին հիշելիս Իբն ալ Ասիրը գրում է, որ 931 թ. Գագիկ Արծրունին և այլ իշխաններ թուղթ են ուղարկել բյուզանդացիներին և նրանց դողել հարձակվելու մահմեդականների վրա՝ խոստանալով օգնել: Սակայն Մուֆլիհը մեծ զորքով խուժել է Վասպուրական, սրի քաշել մոտ 100 հազար մարդու, որոնց թվում և Գագիկ Արծրունու հարազատներին, իսկ Գագիկն ամրացել է Վասպուրականի բերդերից մեկում³⁵: Ըստ երևույթին Իբն ալ Ասիրը ի նկատի ունի Գագիկ Արծրունու վերոհիշյալ Թուղթը՝ ուղարկված Բյուզանդիայի Ռոմանոս կայսրին: Իհարկե, այդ թղթում Գագիկը նման հորդորներ կամ խոստումներ չի արել: Վասպուրականի վրա Մուֆլիհի հարձակման և դրա ծանր հետևանքների մասին Իբն ալ Ասիրի հաղորդումը որոշ

³⁰ «Հաւաքումն պատմութեան Վարդանայ Վարդապետի», Վենետիկ, 1862, ԾԱ, էջ 92: Անանիա Մոկացի, Յաղագս ապստամբութեան տանն Աղուանից, «Արարատ», 1897, էջ 129:

³¹ Տե՛ս Կ. Ն. Յուզբաշյան, Ռոմանոս Լակապենոս կայսեր անհայտ հասցեատերը, ՀՍՍՀ ԳԱ «Լրաբեր» (հաս. գիտ.), 1974, № 1, էջ 36—37:

³² «Գիրք թղթոց», Թիֆլիս, 1901, էջ 301:

³³ F. Tournet, Histoire politique et religieuse de l'Arménie, Paris, 1900, էջ 145:

³⁴ «Theophanis Chronographia», Bonnae, 1839, էջ 658:

³⁵ Ибн-а-л-Асир, էջ 90:

ուսումնասիրողներ համարել են հավաստի³⁶, սակայն այն չի հաստատվում հայկական սկզբնաղբյուրներով: Ըստ երևույթին, վերապահությամբ պետք է մոտենալ նաև մեկ այլ արաբ մատենագրի՝ Իբն Զաֆրիի վկայությանը՝ Համգանյան Նասր ալ Դաուլա ամիրայի մասին, որն իբր 935 թ. իրենից կախման մեջ է գցել Վասպուրականի հայ «թագավորներին»³⁷: Իրապես հիշյալ ամիրան 935 թ. իր նստավայր Մոսուլի վրա խալիֆայի վեզիր Իբն Մուկլայի զորքի հարձակումից հետո ստիպված անցավ Վասպուրականի Անձևացիք գավառը: Այս փաստը հիշում է Իբն Միսբավայհը, սակայն առանց նշելու, թե Վասպուրականի թագավորը ընդունել է նրա գերիշխանությունը³⁸: Իրոք, ինչպես նկատում է Մ. Կանարը, Նասր ալ Դաուլայի իշխանությունը չի տարածվել ոչ միայն Վասպուրականի, այլև նույնիսկ նրա Անձևացիք գավառի վրա: Բացի այդ, հիշյալ ամիրան երկար չմնաց Վասպուրականում, շուտով վերադարձավ Զազիրա³⁹: Ավելի հավանական է կարծել, որ Նասր ալ Դաուլան ստիպված է եղել անցնել Վասպուրական, որի տերերը հաճությամբ չեն ընդունել նրան: Տվյալ շրջանում մահմեդական ամիրաների ապաստանելը քրիստոնեական հարևան պետության՝ Վասպուրականի թագավորների մոտ պատահական երևույթ չէր: Այսպես, Ատրպատականի քուրդ ամիրա Դալասամ Բերահիմը, երկու անգամ (Գագիկ Արծրունու և նրա հաջորդ Դերենիկ թագավորի օրոք) պարտվելով իր հակառակորդներից, ստիպված եղավ ապաստանել Վասպուրականի թագավորների մոտ⁴⁰: Դա հետևանք էր առաջին հերթին Վասպուրականի անկախ դիրքի և զորության, ինչպես նաև այն հանգամանքի, որ Վասպուրական ապաստանած ամիրաներին և Արծրունի թագավորներին միացնում էր ընդհանուր թշնամիների դեմ պայքարելու անհրաժեշտությունը: Օրինակ, 938 թ. նույն Դալասամ Բերահիմին հաղթող կաշքարի ամիրաներիստեղծեց նաև Վասպուրական, այն մատնեց կողոպուտի և ավերածության, սակայն պարտվեց և սպանվեց Անձևացյաց իշխան Ատոմի կողմից⁴¹:

Ընդհանուր թշնամիների դեմ միասնաբար պայքարելու անհրաժեշտությունը մերձեցրեց նաև Արծրունի և Բագրատունի թագավորներին: Այս մասին է վկայում այն փաստը, որ երբ Ատրպատականի ամիրաներից մեկը ներխուժում է Հայաստան՝ Աբաս Բագրատունու տիրույթները, Գագիկ Արծրունին գնում է նրան օգնության. «Յիշեալ զգութ արևան հարազատութեանն, էլ

³⁶ G. Weil, *Geschichte der Chalifen*, B. II, Mannheim, 1848, էջ 638; A. Басильев, *նշվ. աշխ.*, էջ 323:

³⁷ В. Розен, *Император Василий Болгаробойца*, СПб., 1897, էջ 102:

³⁸ Ibn Miskawayh, I (H. Amedroz and D. Margoliouth, *The Eclipse of the Abbasid Caliphate*. Oxford, 1921, էջ 368, 370); M. Canard, *Histoire de la Dynastie des Hamdanides de Jazira et de Syrie*, I, Paris, 1953, էջ 478; Ա. Տեր-Ղեզնդյան, *Արաբական ամիրայությունները Բագրատունյաց Հայաստանում*, Երևան, 1965, էջ 150:

³⁹ M. Canard, *նշվ. աշխ.*, էջ 478:

⁴⁰ Ibn Miskawayh, II, էջ 36—37, 160: Շաղդադյան Մուհամմադը, 952 թ. պարտվելով Սալարյան Մարզուրանից, դարձյալ ապաստանեց Վասպուրականի թագավորի մոտ (V. Minorsky, *Studies in Caucasian History*, London, 1953, էջ 12—13; Ա. Տեր-Ղեզնդյան, *Մունաջջիմ-Բաշի XI—XII դդ. անանուն աղբյուրը Դվինի և Գանձակի Շաղդադյանների մասին*, «Բանբեր Մատենադարանի», № 6, 1962, էջ 477—478):

⁴¹ Ibn Miskawayh, I, էջ 443, 446—447:

դնաք զօրօք բազմօք զհարազատին խնդրել զբէն վրիժուց»⁴²։ Յսկայ պահին Բագրատունիների և Արծրունիների միջև հաստատված բարեկամական հարաբերությունները խիստ կարևոր նշանակություն ունեն ձևով բերված խաղաղությունն ամրապնդելու, երկրի անվտանգությունն ապահովելու համար։ Քաղաքական համեմատաբար խաղաղ իրավիճակում երկրում ավելի կայունացան ֆեոդալական հարաբերությունները, ամրապնդվեց հայ ըշխանների միջև եղած ֆեոդալական սուբորդինացիան։ Դա միաժամանակ նպաստեց երկրի տնտեսական և քաղաքական զարգացմանը։

К ИСТОРИИ ВАСПУРАКАНА 910—930 гг.

Кандидат историч. наук В. М. ВАРДАНИЯН

(Резюме)

В статье рассматриваются вопросы, связанные с событиями в Васпуракане в первой трети X в., когда в условиях развитого феодализма остро проявился политический партикуляризм Арцрунидов. Правитель Васпуракана Гагик Арцруни, с опозданием отказавшись содействовать правителю Атрпатакана Юсуфу Саджиду, хотел тайно помочь царю Армении Смбату I. После гибели Смбата I в 914 г. Васпуракан подвергся сильному натиску со стороны Атрпатакана. Князья Арцруни были вынуждены переехать в «Միջերկրեայք» (Малую Азию), т. е. в византийские владения. В 915 г. Юсуф Саджид, улучшив отношения с царем Ашотом II, вновь совершил поход в Васпуракан, но, встретив сопротивление, был вынужден на время отказаться от захватнических намерений. Мир в Васпуракане временно был обеспечен, когда Гагик Арцруни добился заключения мирного договора (919) с преемником Юсуфа Сбуком. Укреплению мира в Васпуракане способствовало сближение Багратидов и Арцрунидов. В статье затрагиваются и другие вопросы, связанные с историей Васпуракана, делается попытка уточнения некоторых дат.

⁴² Ք ռ Վ Մ Ս Ա Ր Ժ Ր Ո Ն Ի, IV, Թ, էջ 488: Այս բնագրումը պետք է տեղի ունեցաւ իսկ 911-ից ոչ վաղ, քանի որ բնագրմանը ներկա եղիշե (եղիսե) կաթողիկոսը հովանւ է 941 թ. սկսած: